

signor di la Guisa con 4000 lanzinech et danari del re Christianissimo per Italia.

*Da Crema vidi lettere di 21, hore 3 et mezza, particular.* Scrive questa matina lo exercito francese partito da Landriano per passar il fiume di Lambro, et hessendo passata l'antiguarda con la mità di la bataglia, spagnoli molto grossi asaltorono la retroguarda et si l'ha rotta con presa di monsignor di San Polo et occision de molti. *Tamen* quelli erano passati sono andati a Pavia et altratanti è salvati. Lo illustrissimo duca de Milano subito se partite da Lodi, et questa sera è zonto qui a hore una et meza insieme con l'orator Venier per star più sicuro in questa terra. Il nostro campo è a Cassano, con il ponte fatto; non scio quello sarà.

365 *Da Bergamo, di sier Zuan Antonio da chà Taiapiera vicepodestà, de 18 Zugno 1529.* Manda una lettera hauta da Yspruch, di 12, di uno Domenego Colpo, qual dice cussi:

Magnifico Proveditor.

Aviso la signoria vostra come in questi di passati l'è fatto una dieta qua su in Ispruch. El i era dui imbasadori del re Ferandin, et si ge iera el duca di Baviera, el duca de NoreMBERGO, el marchese di Brandiburg, et tutti li signori et castellani di la val de Legion. In questa tal dieta l'è determinà che tutta quella zente, che se ritrova scritta, tutta si vada in Ungaria. A di 29 de Mazo proximo passato la dieta si è compita. Apreso la magnificentia vostra a di do Zugno proximo el passò per Ispruch uno signor Jacomo Jochar con cavalli 300 borgognoni et 3500 schiopetieri et archibusieri, et a di tre del ditto mexe el passò 8000 lanzichenech alabarde. Tutta questa gente si va in Ungheria. In questi di l'è passato 60 botte piene di farina et 20 botte piene di biava da cavalli, in su le carette, et tutte si va in Ungaria. Aviso la magnificentia vostra che a di 5 del ditto mexe l'è zonto qua in Ispruch 7 signori spagnoli, et li va per imbasadori del re Ferandino, et si sono stati cinque di qua su in Yspruch. Aviso la magnificentia vostra come questi imbasadori, con li comessarii, et con questi signori che se ritrova in Yspruch, si ha fatto una dieta che durete *solum* tre di. Aviso la magnificentia vostra come loro si ha determinà che per tutto el contà de Austria et Tyruol che per ogni 10 danari di estimo si debba seriver uno homo con

le sue arme sufficiente per li bisogni. Aviso la magnificentia vostra come a li 9 del ditto mexe l'è zonto qua su a Yspruch el conte de Mes con 500 cavalli et 2000 archibusieri, et li ditti imbasadori si li ha fatti tornar indrio per infina che loro ritorna de Ungaria. Aviso la magnificentia vostra come a di 11 del ditto ancor li ditti è partiti de Yspruch et sono andati a la volta di Ungaria. Aviso la magnificentia vostra in questo di l'è zonto una stafeta, che vien per parte di re Ferandino, et si dimanda 1000 guastatori subito subito, et parla che re Ferandino si è retirà 15 miara. Non si parla di quella zente, che si scrive adesso, fino non ritorna questi imbasadori. Io starò vigilante de li andamenti et preparamenti che si farà, et subito darò aviso a la magnificentia vostra.

*In Ispruch a di 12 Zugno 1529.*

Dapoi disnar, fo Gran Conseio. Non vene il principe; vicedoxe sier Nicolò Venier; et fossemo pochi a Conseio. 366

Fu prima posto, per li Consieri et Cai di XL, una parte, presa in Pregadi, di far governador di la quinqueremi. La copia sarà posta qui avanti. Ave: 897, 185, 26.

Fu posto, per li ditti, una parte che li 12 soracomiti, preso elezer, si li electi come quelli si elezeranno, fino che i armino possino esser electi dentro et di fuori, et li sia salvà la soracomitaria, *ut in parte*. Ave: 974, 130, 15.

Fu posto, per li Consieri, sier Marco da Pexaro, sier Francesco Renier cai di XL vice consieri, sier Zuan Francesco Salamon cao di XL, sier Piero Boldù, sier Marin Justinian avogadori in loco di cai di XL, una parte, che sier Zuan Dolfin, qual fo eletto per questo Conseio capitano a Bergamo et accettò, dapoi per Pregadi è stà electo con pena proveditor zeneral et convien andar, però sia preso ch'el primo Gran Conseio sia electo capitano a Bergamo in loco suo, et che'l ditto sier Zuan Dolfin non habbi alcuna contumacia per haver acetà et non esser andato a la capetaniaria di Bergamo, *ut in parte*. Fu presa. Ave: 950, 99, 5.

Fu fato governador di la cinqueremi, per scurinio et do man di eletion, sier Hironimo da Canal fo capitano al Golfo, di sier Bernardin. Sopracomiti, sier Marin Malipiero fo patron di fusta, qu. sier Piero, sier Justo Gradenigo, qu. sier Zuan Paulo, sier Stefano Michiel fo soracomito, qu. sier Zuane. Et altre 5 voxe.